

**Convenio de colaboración entre o Parlamento de Galicia e a Asociación
“Padroado do Museo do Pobo Galego” para a organización do ciclo de Foros
“O noso Pobo: de hoxe noutros corenta anos”**

REUNIDOS

O **Excmo. Sr. D. Miguel Ángel Santalices Vieira**, na súa condición de presidente do Parlamento de Galicia, actuando ao abeiro das facultades que lle confire o artigo 31.1 do Regulamento do Parlamento de Galicia.

D. Justo Beramendi González, presidente da Asociación “Padroado do Museo do Pobo Galego”, actuando ao abeiro das facultades outorgadas polo artigo 16 dos Estatutos da entidade.

Ambas partes recoñecen a súa competencia e capacidade para formalizar o presente CONVENIO DE COLABORACIÓN, e para tales efectos,

EXPOÑEN

Primeiro. O Parlamento de Galicia, no 35º aniversario da súa constitución, comprometido coa protección e promoción da cultura e da vida política e social galega en todos os planos da vida pública e cultural, quere seguir contribuíndo a facilitar o seu coñecemento, promoción, arraigo e consolidación, dispoñendo, para tal fin, e na medida das súas posibilidades, dos medios que sexan necesarios e eficaces para conseguilo.

Segundo. A Asociación “Padroado do Museo do Pobo Galego” (G15037195), foi creada en 1976 cos obxectivos de investigar, conservar, divulgar, defender e promover a cultura galega en todos os seus ámbitos, e crear e desenvolver un museo ao servizo destes obxectivos, inaugurando as primeiras salas en 1977, no antigo convento de San Domingos de Bonaval.

O Decreto 111/1993 de 22 de maio recoñeceulle ao Museo do Pobo Galego a competencia para actuar como centro sintetizador de todos os museos e coleccións públicos e privados integrados no sistema galego de museos dedicados ao estudo, promoción e difusión do patrimonio histórico-antropológico de Galicia.

Con motivo da conmemoración do 40º aniversario do Museo do Pobo Galego, a Asociación está a organizar diversas actividades divulgativas, e propónse desenvolver, entre outras, un ciclo de foros que sirvan, con perspectiva de futuro, para a reflexión, o debate e a galeguidade, e coa esperanza de que sexa unha contribución valiosa ao necesario balance xeracional.

Terceiro. Na memoria que consta no expediente, xustifícase a concesión directa de subvención no indubidable interese social, político e cultural que supón o coñecemento destes últimos anos da historia de Galicia e a súa proxección cara o futuro dende o punto de vista do valioso testemuño cultural, antropológico e social que aporta o Museo do Pobo Galego, o interese que debe suscitar a temática dos foros, e a acreditada solvencia intelectual dos intervinientes.

A achega ten carácter excepcional, debido a concreción da actuación a subvencionar, coincidindo co 35º aniversario do Parlamento de Galicia, así como o 40º aniversario do Museo do Pobo Galego, o que permite acollerse ao outorgamento en réxime de concesión directa.

Tendo mutuo interese ambas partes na difusión destes foros, as partes acordan asinar este Convenio de colaboración que se rexerá polas seguintes.

CLÁUSULAS

Primeira. Obxecto do convenio

Este convenio ter por obxecto establecer os mecanismos de colaboración entre o Parlamento de Galicia e a Asociación “Padroado do Museo do Pobo Galego”, para a organización dun ciclo de Foros, co obxectivo de convidar á sociedade a albiscar como ha de ser a Galicia do futuro.

O ciclo de foros titúlase: “O noso Pobo: de hoxe noutros corenta anos” e desenvolverase de maio a decembro de 2017.

Segunda. Declaracións e obrigas das partes

A) A Asociación “Padroado do Museo do Pobo Galego” declara:

- 1º. Que non esta incurso en ningún dos supostos de prohibición do artigo 13 da lei 38/2003 nin do artigo 10 da lei 9/2007 de subvencións de Galicia.
- 2º. Que non solicitou nin obtivo outras axudas ou ingresos para a mesma actuación obxecto do convenio, e que se compromete a dar conta ao Parlamento de variar estas circunstancias.
- 3º. Que se atopa ao día das obrigas tributarias e coa Seguridade Social.
- 4º. Que cumprirá cos termos do convenio xustificando o importe da achega no prazo e coa documentación seguinte que remitirá ao Parlamento de Galicia:
 - Memoria da actuación xustificativa con indicación das actividades finalmente realizadas e dos resultados obtidos (participación, etc).
 - Relación clasificada dos gastos executados: con identificación do acreedor e do documento, o seu importe, data de emisión e data de pago, xunto con copia das facturas e dos abonos vía transferencia (en calquera caso as de importe superior a 1.000,00 € bastando para as de cuantía inferior o recibí do preceptor se o pago foi en metálico, con indicación do DNI, sinatura e nome e apelidos deste).
 - Certificados de estar ao corrente coas obrigas tributarias e coa Seguridade Social.
 - Certificación acreditativa do representante legal da entidade do importe das axudas solicitadas e/ou percibidas para esta actividade.

Esta axuda é compatible con outras axudas para esta actuación concreta se ben en ningún caso poderá ser superior a contía, illadamente ou en concorrencia, do custo total dos gastos subvencionados.

- Declaración asinada polo representante legal da entidade, de que esta non deduce nin compensa o IVA dos subministracións ou servizos que solicita.
- Acreditación da publicidade da achega do Parlamento (fotografías, dípticos, web...)
- Certificado da conta bancaria a nome da entidade en que efectuar o pagamento.

O prazo para a achega de toda a documentación remata o 21 de decembro de 2017.

B) A Asociación "Padroado do Museo do Pobo Galego" asumirá a organización dos foros, e o Parlamento de Galicia colaborará no custe da organización dos foros ao abeiro da normativa aplicable en materia de subvencións, nos termos da cláusula seguinte.

O Parlamento de Galicia non asumirá, por motivo deste Convenio, ningún tipo de relación mercantil ou contractual coas persoas que participen na organización e desenvolvemento dos foros, nin dos seus participantes, moderadores ou relatores, que corresponderán enteiramente á Asociación "Padroado do Museo do Pobo Galego".

Terceira . Financiamento

A organización e celebración dos foros, teñen un orzamento estimado de 10.800,00 €, cofinanciando o Parlamento con 8.000,00 €, con cargo á aplicación orzamentaria 01.01.111B. 481.03.

En consecuencia, a achega representa un máximo do 74,07% do custe total, isto sen prexuízo de que a entidade xustifique a actividade no 100%.

A Asociación "Padroado do Museo do Pobo Galego" deberá xustificar os gastos realizados e presentar en tempo e forma a documentación xustificativa da súa realización e pagamento, que será obxecto de control financeiro e aprobarase, previo informe da Intervención, mediante Resolución da Presidencia.

O incumprimento da obriga de xustificar o gasto subvencionado total ou parcial dará lugar á perda da subvención concedida na parte non xustificada proporcionalmente. De non xustificarse axeitadamente seguirase o procedemento establecido no artigo 42 da lei xeral de subvencións.

Cuarta. Duración

Este Convenio de colaboración estará vixente desde a súa formalización ata o tempo necesario para a celebración dos foros, cuxo remate se prevé para o 14 de decembro de 2017; sendo posterior a fiscalización e abono da achega, que en todo caso non poderá estenderse máis alá do 31 de decembro de 2017.

O convenio extinguirase polo cumprimento do seu obxecto ou por incorrer en algunhas das causas de resolución da cláusula oitava.

Quinta .- Difusión da colaboración das partes

Nas actividades informativas e divulgativas dos foros obxecto deste convenio farase constar a colaboración das partes e utilizaranse, cando proceda, a identidade corporativa de cada unha das Institucións.

A sinatura deste Convenio supón o consentimento expreso de ámbalas partes para facer públicos a través dos diarios oficiais que procedan e das respectivas webs, os datos referidos ao seu contido de conformidade coa normativa sobre transparencia e boas prácticas que sexa de aplicación a cada unha delas.

Sexta. Comisión de Seguimento

Coa finalidade de asegurar o cumprimento deste Convenio, crearase unha comisión de seguimento composta por un representante de cada unha das Institucións, que coordinará o seu desenvolvemento e estará facultada para resolver cantas dúbidas puidesen xurdir na súa execución; poderá estar asistida polos técnicos que xulguen necesarios.

Os acordos adoptados pola Comisión serán inmediatamente executivos.

Terá, ademais, as seguintes funcións:

- A interpretación do convenio.
- A proposta de addendas ou modificacións.
- Informe previo á resolución por incumprimento.
- Facultades de supervisión da execución e adopción das decisións e ditado das instrucións necesarias co fin de salvagardar a correcta realización das actividades acordadas.
- Calquera outra relacionada co bo funcionamento deste Convenio.

Sétima.- Modificación

As partes, ou a comisión de seguimento, poderán instar a modificación deste Convenio en calquera momento. Mediante addenda achegarase as modificacións sobre o seu contido acordado pola partes.

As propostas de modificación deberán ser comunicadas por escrito cunha antelación dun mes.

Oitava. Resolución.

Serán causas de resolución deste convenio:

- O transcurso do seu prazo de vixencia sen terse acordado a súa prórroga.
- O mutuo acordo entre as partes.
- A denuncia de calquera das partes, formulada cun mes de antelación e por causas xustificables.

- O incumprimento total ou parcial das cláusulas contidas neste convenio.
- Por decisión xudicial declaratoria da nulidade do convenio.

Novena. Réxime xurídico.

Este convenio ten natureza administrativa e rexerase pola Lei 40/2015, do 1 de outubro, de réxime xurídico do sector público; e as cuestións litixiosas que poidan xurdir na interpretación e cumprimento do presente convenio de colaboración serán de coñecemento e competencia da orde xurisdiccional do contencioso-administrativo.

Asemade rexerase pola normativa aplicable en materia de subvencións.

En proba de conformidade asínase este convenio por triplicado en Santiago de Compostela o 4 de maio de 2017.



Miguel Ángel Santalices Vieira,
presidente do Parlamento de Galicia

PARLAMENTO
DE GALICIA



Justo Beramendi González,
presidente da Asociación "Padroado
do Museo do Pobo Galego"